

UGOVOR o isporuci roba

I UGOVORNE STRANE

Arhitektonski fakultet u Sarajevu

Sjedište: Patriotske lige broj 30, 71000 Sarajevo

Koje zastupa dekan prof.mr. Mevludin Zečević

Identifikacijski broj: 4200192800009

(u daljem tekstu: Kupac)

i

Kodeks d.o.o. Sarajevo

Sjedište: Antuna Hangačija 17, 71000 Sarajevo

Kojeg zastupa direktor Muris Čeljo, dipl.ing.inf

Identifikacijski broj: 4227430230009

Identifikacijski broj obveznika PDV-a: 227430230009

Transakcijski broj banke, ime i sjedište banke: 1541602003650757 Intesa SanPaolo Banka dd Sarajevo (u daljem tekstu: Prodavac)

II PREDMET UGOVORA

Član 1.

Predmet ovog ugovora je nabavka prenosnih računara (laptopa) za potrebe Kupca prema Tenderskoj dokumentaciji Kupca, broj 05-1244/28-17 od 22.11.2017. godine i Ponudi Prodavca, broj 05-1244/28-17 od 29.11.2017. godine, koji su u prilogu ovog Ugovora i čine njegov sastavni dio.

Član 2.

Predmet ugovora obuhvata isporuku instalaciju, tesiranje i puštanje u rad sljedeće opreme na adresu Kupca:

- a) MacBook Pro 13" Retina, DC i5, 2.3GHz/8GB/256GB SSD/Intel Iris Plus Graphics 640/Silver – CRO KB -1 kom;
- b) MacBook Pro 13" Retina, DC i5, 2.3GHz/8GB/128GB SSD/Intel Iris Plus Graphics 640/Silver – CRO KB -2 kom;
- c) Moshi USB-C Multiport Adapter-Silver – 3 kom.

Član 3.

Prodavac je naročito dužan:

- uz predmet nabavke dostaviti i sve neophodne dijelove, materijale i software koji čine integralni operativni dio svake komponente, a koji su neophodni za normalno funkcionisanje iste;
- ponuđač je dužan navedenu opremu isporučiti na lokaciji, instalirati, testirati i pustiti u rad.

III CIJENA I NAČIN PLAĆANJA

Član 4.

(1) Ukupna vrijednost predmetnog ugovora iznosi **10.208,05 KM** (slovima: desethiljadadvijestotinosam i 05/100 konvertibilnihmaraka) sa uključenim PDV-om, odnosno **8.724,83 KM** (slovima: osamhiljadasedamstotinadvadesetčetiri i 83/100 konvertibilnihmaraka) bez uključenog PDV-a.

(2) U cijenu iz stava (1) ovog člana su uključeni troškovi nabavke, isporuke, instalacije, tesiranja i puštanja u rad predmeta ugovora.

Član 5.

(1) Kupac će izvršiti plaćanje najkasnije 30 dana od prijema fakture Prodavca.

(2) Prodavac će ispostaviti fakturu nakon isporuke, instaliranja, testiranja i puštanja u rad predmetnih roba i kvalitativnog i kvantitativnog prijema istih od strane Kupca.

IV NAČIN I ROK REALIZACIJE UGOVORA

Član 6.

Prodavac se obavezuje da u roku od 15 dana od dana stupanja na snagu ovog Ugovora, isporuči, instalira, testira i pusti u rad robe koji su predmet ovog Ugovora.

Član 7.

O eventualnim nedostacima u količini i kvalitetu predmetne nabavke Kupac će Prodavca izvijestiti odmah, a najkasnije u roku od sedam dana od dana puštanja robe u rad.

Član 8.

(1) Garancija za predmetnu robu je 12 mjeseci.

(2) Garantni rok počinje teći od dana kvalitativnog i kvantitativnog prijema predmetne robe.

(3) U garantnom roku ponuđač je dužan pružiti sljedeći nivo servisnih usluga:

- Odziv na zahtjev za obezbjeđenje tehničke podrške u roku manje od 2 sata. Pod ovim se podrazumijeva maksimalno vrijeme u kome će se ponuđač odazvati na poziv za pomoć od strane Kupca;
- Vrijeme između odziva na zahtjev i dolaska na lokaciju u slučaju potreba za intervenciju ponuđača na lokaciji korisnika u roku od 24 sata. Prilikom dolaska na lokaciju Ponuđač je dužan obezbijediti zamjenski računar (ili ako je moguće dio) ukoliko nije u stanju da na licu mjesta otkloni hardverski problem na računaru koji ga čini neupotrebljivim;
- Vrijeme između prve intervencije ponuđača na lokaciji Kupca i konačnog otklanjanja problema u roku od manje od 7 dana. Pod otklanjanjem problema se podrazumijeva i zamjena privremenom opremom istih karakteristika;
- Nakon isteka garantnog roka, Prodavac je dužan osigurati postojanje servisa na području Kantona Sarajevo kao i rezervnih dijelova za isporučenu opremu minimalno u trajanju od 5 godina, što će biti predmet eventualnog posebnog ugovaranja na godišnjem nivou;
- Pod vremenom obezbjeđivanja servisnih usluga se podrazumijeva period ponedjeljak – petak od 8 do 15 sati osim zvaničnih državnih praznika na području na kome se nalazi Kupac.

V STUPANJE NA SNAGU I RJEŠAVANJE SPOROVA

Član 9.

(1) Ovaj Ugovor stupa na snagu danom obostranog potpisivanja od strane ovlaštenih lica ugovornih strana.

(2) Ukoliko Prodavac ne bude u roku i na ugovoren način izvršio sve ugovorene obaveze, dužan je za svaki propust i/ili svaki započeti dan kašnjenja u izvršenju ugovora isplatiti Kupcu iznos od 20,00 KM, a najviše do 10% od ukupno ugovorenog iznosa.

Član 10.

Svaka ugovorna strana može pokrenuti postupak raskida ugovora ako druga strana ne izvršava ugovorene obaveze, uz otkazni rok od 15 dana.

Član 11.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI OSTALE ODREDBE

Član 12.

Prodavac nema pravo da, u svrhu izvršenja ovog Ugovora, zapošljava fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 13.

Za sve što nije regulirano ovim ugovorom primjenjivaće se odredbe propisa o obligacionim odnosima u Bosni i Hercegovini.

Član 14.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 15.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.



Za Prodavca

Muris Čeljo, dipl.ing.inf, direktor

Datum: 30.11. 2017. godine

Broj: 17.11/193



Za Kupca

Prof. mr. Mevludin Zečević, dekan

Datum: 30.11. 2017. godine

Broj: 05-41/127/17